

Morning Dogri (NSD) National News Bulletin 12-07-2025

आकाशवाणी

- प्रधानमंत्री नरेन्द्र मोदी होर अज्ज रोजगार मेले दरान सरकारी विभागें च नमें भर्ती कीते गेदे नोजवानें गी 51 जहार नियुक्ति पत्र देंगन।
- एयर इंडिया जहाजे दे हादसे दी मुंडली जांच रिपोर्ट च दस्सेआ गेआ ऐ जे डोआरी भरने दे तुरत मगरा जहाजे दे दौनें इंजनें च तेल दी सप्लाई बंद होई गई ही।
- चुनां आयोग नै आखेआ ऐ जे बिहार दे 7 करोड़ 90 लक्ख मतदाताएं चा 74 फीसद शा बीमते मतदाता फेहरिस्तें दी बशेष व्यापक नजरसानी तैह्त् अपने गिनतरी आले फार्म जमा करोआई ओड़े न।
- भारत दिएं मराठा सैन्य इमारतें गी यूनेस्को दी विश्व धरोहर फेहरिस्त च शामिल कीता गेआ ऐ।
- क्रिकेट च लाड्स लंदन च खेड्डी जा'रदी एंडरसन-तेंदुलकर ट्रॉफी दे त्रीए टैस्ट मैच दे त्रीये ध्याड़े भारत मेजबान इंग्लैंड खिलाफ त्रऊं विकेटें पर 145 रंजें शा अगगे पैहली पारी दा खेड्ड शुरू करोग।
- विम्बलडन टेनिस च 5 बारी ग्रैंड स्लैम चैंपियन रेई चुकी दी ईगा स्विघाटेक अज्ज लंदन दे सेंटर कोर्ट च महिलाएं दे इक्कले-इक्कले आले वर्ग च 13मीं वरीयता प्राप्त खडारन अमांडा दी अनीसीमोवा कन्नै खेडोग।

<><><><><><>

PM Rozgar

प्रधानमंत्री नरेन्द्र मोदी होर अज्ज वीडियो कांफ्रेंसिंग राएं बक्ख-बक्ख सरकारी विभागें ते संगठनें च नमें नियुक्त 51 जहार शा मते नोजवानें गी नियुक्ति पत्र बंडगन। सरकार दी रोजगार मेला पैहलकदमी दा इक हिस्सा ऐ। इस दरान प्रधानमंत्री नमें नियुक्त मेदवारें गी संबोधत बी करगन। 16मां रोजगार मेला देश दी बक्ख-बक्ख 47 थाहरें उप्पर आयोजित कीता जाग। एह भर्तियां केन्द्र सरकार दे बक्ख-बक्ख मंत्रालयें ते विभागें च होआ'रदियां न।

देश दे बक्ख-बक्ख हिस्से शा चुने गेदे नमें कर्मचारी, रेल मंत्रालय, गृह मंत्रालय, स्वास्थ्य ते परिवार कल्याण, श्रम ते रोजगार ते डाक विभाग सनें होर दुए मंत्रालये ते विभागें च अपनियां सेवा देंगन। देश भर च आयोजत रोजगार मेले राएं अजें तगर 10 लक्ख शा मते भर्त्थी पत्र जारी कीते जाई चुके दे न।

<><><><><><>

AAIB

ब्हाई जहाज दे हादसे दी जांच सरबंधी ब्यूरो एएआईबी ने जंदी रातीं अहमदाबाद च पिछले महीने दी 2 तरीक गी होए दे एयर इंडिया जहाज हादसे दी 15 पेजें दी शुरूआती रिपोर्ट जारी कीती ऐ। इस हादसे च 260 लोकें दी मौत होइ गई ही। रिपोर्ट च एयर इंडिया दी डोआरी एआई-171 दे बोइंग-787-8 जहाज दे टक्कर लगने शा पैहले दी घटनाएं ते इंजन दी स्थिति दी जांच कीती गई ऐ। एएआईबी दा अपनी रिपोर्ट च आखना ऐ जे डोआरी भरने शा किश सैकेंड दे अंदर जहाज दा इंजन, ईंधन नियंत्रण रन शा कट-ऑफ दी स्थिति च बदली गेआ ते पही बंद होइ गेआ जेह्दे कारण एह विनाशकारी हादसा होआ। रिपोर्ट मूजब डोआरी तकरीबन 30 सेकेंड गै चली ते पही जहाज क्रैश होई गेआ। एएआईबी नै आखेआ ऐ जे जांच दल हितधारकें शा मिलने आले होर सबूतें दी जांच करोग।

<><><><><><>

HM

केन्द्री गृहमंत्री अमित शाह होर केरल दे दऊं दिनें दे दौरे उप्पर कल तिरुवनंतपुरम पुज्जे। ब्हाई अड्डे उप्पर वरिष्ठ बीजेपी नेताएं ते कार्यकर्ताएं उंदा सुआगत कीता। शाह होर अज्ज राज्य दी राजधानी च बक्ख-बक्ख कार्यक्रमें च शामिल होंगन। अज्ज बडलै उंदा बीजेपी दे नमें राज्य मुख्यालय दा उद्घाटन करने दा कार्यक्रम ऐ। एह्दे मगरा ओह पुथरीकंदम च बूथ स्तर दे पार्टी कार्यकर्ताएं दी इक बड्डी सभा गी संबोधत करगंन।

<><><><><><>

ECI Bihar

चुनां आयोग नै गलाया ऐ ते बिहार च मतदाता सूचि च चला'रदे विशेष व्यापक नजरसानी एसआईआर दे पिछले 17 दिनें दरान तकरीबन 7.90 करोड़ मतदाताएं शा 94 फीसदी शा मते लोकें अपनी गिनतरी आले फार्म जमा कराई दित्ते न। आयोग नै अगगे दस्सेआ जे फार्म इस महीने दी 25 तरीक तगर जमा कीते जाई सकदे न।

<><><><><><>

Railway

रेल मंत्रालय नै भर्ती प्रक्रिया गी पारदर्शी, कुशल ते प्रौद्योगिकी संचालित बनाने दे उद्देश्य कन्नै केई नमें सुधार कीते न। मेदवार दी सहूलत लेई केई उपाह लागू कीते गे न, जिंदे च इक समें दे पंजीकरण सरबन्धी वन टाइम रजिस्ट्रेशन ओटीआर सिस्टम शामिल ऐ जेहड़ा भर्ती प्रक्रिया गी होर सखल्ला बनाने च मददगार साबत होग।

<><><><><><>

Doval

राष्ट्रीय सुरक्षा सलाहकार अजीत डोभाल होरें आखेआ जे भारत नै हाल च गै ऑपरेशन सिंदूर दरान पाकिस्तान दे अंदर 9 आतंकवादी ठकानें गी नशाना बनाया, बन्ने दे कोल नेई सगुआं ओहदे पार दे इलाकें च कल चेन्नई च आईआईएम—मद्रास दे 62में सलाना दीक्षांत समारोह च अपने भाषण दरान उनें गलाया जे हमला इन्ना सटीक हा जे भारतीय सशस्त्र बलें गी पता हा कौन कुत्थें ऐ ते मिसाइलां बी तैह लक्ष्य पर गै गेइयां।

<><><><><><>

UNESCO

भारत दिएं मराठा सैन्य इमारतें गी यूनेस्को दी विश्व धरोहर फेहरिस्त च शामिल कीता गेआ ऐ। इस मान जोग प्रतिष्ठित उपलब्धि गी हासल करने आली एह मुल्खे दी 44मीं मुख्य थाहर बनी गेई ऐ। पेरिस च यूनेस्को मुख्यालय च विश्व धरोहर समिति दे 47में सत्र दरान कल संजा एहदी घोषणा कीती गेई। प्रधानमंत्री नरेन्द्र मोदी होरें महाराष्ट्र दे मुख्यमंत्री देवेन्द्र फडनविस ते संस्कृति मंत्री गजेन्द्र सिंह शेखावत होरें इस ऐतिहासक उपलब्धि परलोकें गी बधाई दित्ती ऐ।

एह वैश्विक सम्मान भारत दी प्राचीन सांस्कृतिक विरासत की दर्शादा ऐ। एह स्थापत्य कला, खेत्री पंछान ते ऐतिहासिक निरंतरता की बी बांदे करदा ऐ। 15वीं थमां 19वीं शताब्दी तगर फैजे दे मराठा सैन्य परिदृश्य च 12 किले शामिल न जेहड़े मगरा साम्राज्य की रणनीतिक सैन्य दृष्टि ते स्थापत्य कला की नशानदेही करदे न। महाराष्ट्र ते तमिलनाडू च फैले दिऐं किश चोनमिएं थाहरें सलेहर, शिवनेरी, लोहगढ़, रायगढ़, राजगढ़, प्रतापगढ़, सुवर्णदुर्ग, पंहाला, विजयदुर्ग ते सिंधुदुर्ग दे कन्नो कन्नी तमिलनाडू च गिगी-किला बी शामिल ऐ।

<><><><><><>

CSG

जन सेवा केन्द्रों का 16वां स्थापना दिवस 16 जुलाई की नमी दिल्ली दे सशोभूमि सम्मेलन केन्द्र च मनाया जाग। एह कार्यक्रम देश दे डिजिटली तगड़ा होने दे 16 बरें पूरा होने दे मौके पर आयोजित कीता जा'रदा ऐ। जन सेवा केन्द्र सरकार की डिजिटल भारत योजना तैहत इक महत्वै आली पैहल ऐ।

<><><><><><>

Uttarakhand

उत्तराखंड च 16 जुलाई की हरेला उत्सव दे मौके पर 5 लाख थमां मते रुक्ख बूहटे लाइयै इक नमां कीर्तीमान स्थापित कीता जाग। सार्वजनिक थाहरें, जंगल-जाड़ें, दरेआएं दे कंडे, शैक्षणिक संस्थानें, विभागें दे अहातें ते रिहायशी इलाकें च बूहटे पौधे लाने आला अभियान चलाया जाग।

<><><><><><>

Cricket

क्रिकेट च भारत अज्ज लंदन दे लाड्स च एंडरसन-तेंदुलकर ट्रॉफी दे त्रिये टेस्ट मैच दे त्रिये ध्याड़े मेजबान इंग्लैंड दे खिलाफ अपनी पैहली पारी कल दे स्कोर 3 विकेटें पर 145 रजें शा अग्रे शुरू करोग। मैच भारतीय सभें मूजब दपैहरी साढ़े 3 बजे शुरू होग। इंग्लैंड की पैहली पारी 387 रंज उप्पर आउट होने मगरा भारतीय टीम अजें 242 रंज पिछे ऐ।

<><><><><><>

Wimbledon Tennis

विम्बलडन टेनिस च 5 बारी दी ग्रैंड स्लैम चैंपियन ईगा स्विगटेक अज्ज रातीं लंदन दे सेंटर कोर्ट च महिला वर्ग खताब लेई 13मी अमांडा दी अनि सिमोवा कन्नै मकाबला करगंन। मर्दे दे वर्ग मकाबले च विश्व दे नंबर 1 खडारी जैनिन सिनर होरें जंदी रातीं सैमीफाइनल च 7 बारी दे चैंपियन नोवाक जोकोविच गी 6-3, 6-3, 6-4 कन्नै हराइयै खताबी मकाबले च अपनी थाहर पक्की करी लेई। उंदा मकाबला कल स्पेन दे 2 नंबर दे खडारी कार्लोस अल्काराज कन्नै होग।

<><><><><><>

Amarnath Yatra

जारी अमरनाथें दी यात्रा दे कल 9में ध्याड़े कुल 18 जहार 10 श्रद्धालुएं पवित्र गुफा च बर्फानी बाबा दे दरबार च मत्था टेकेआ जेहदे कन्नै गै 3 जुलाई गी शुरू होई दी इस ब8रे दी यात्रा दरान पवित्र गुफा दे दर्शन करने आले यात्रिएं दी गिनतरी 1 लक्ख 60 जहार कोला उप्पर पुज्जी गई ऐ। आकाशवाणी दे जम्मू संवाददाता नै जानकारी दित्ती ऐ जे कल संजा तोड़ी पवित्र गुफा च मत्था टेकने आलें दी गिनतरी 1 लक्ख 63 जहार 726 होइ गई ऐ। तोआई जम्मू थमां अज्ज बडलै 6 जहार 639 श्रद्धालुएं गी लेइयै जम्मू दे भगवती नगर आले यात्री निवास आधार शिविर थमां 11मां जत्था घाटी लेई रवाना होआ। लौहकिएं बडिडएं कुल 275 गडिडएं दे काफले च सोआर इनें यात्रिएं च 4 जहार 955 मर्द, 1 जहार 462 महिला, 41 न्याणे, 144 साधु ते 37 साध्वियां शामिल न। इंदे चा 2 जहार 337 श्रद्धालु बालटाल ते 4 जहार 302 श्रद्धालु पहलगाम आले रस्तेया पवित्र गुफा लेई अपनी यात्रा शुरू करगंन।

<><><><><><>